


Espiritu nga mga Tinuga—Paano Sila Nagaapektar sa Aton? (Bahin 2)

Ginbase sa kapitulo 10 sang *Ano Gid ang Ginatudlo sang Biblia?* nga makita sa jw.org/hil.

KATUYUAN: Mabinagbinag ang imo mga ginapatihan kag kon ngaa ginapatihan mo ini, mausisa ang ginatudlo sang Biblia, kag makita kon paano mo mapaathag ang imo ginapatihan sa iban.



MALAIN BALANG ESPIRITISMO?

1 BINAGBINAGA ANG IMO MGA GINAPATIHAN

Ngaa mahimo magsabat sang indi ang iban?

Ngaa mahimo magsabat sang huo ang iban?

Ano ang *imo* ginapatihan?

Ngaa ginapatihan mo ini?

Ginadumilian sang Pulong sang Dios ang espiritismo, nga ginagamit sang mga demonyo para patalangan ang mga tawo.

(Tan-awa ang kapitulo 10 sang libro nga *Ginatudlo sang Biblia*, parapo 9-13.)

Basaha ang Deuteronomio 18:10, 11 kag Galacia 5:19-21.

Paano ginapakita sini nga mga bersikulo ang pagtan-aw ni Jehova sa espiritismo?

Basaha ang Bugna 12:12, 17.

Ngaa gusto gid ni Satanas kag sang iya mga demonyo nga patalangan ang mga tawo?



Indi ka gid magpasulod sang kriminal sa imo balay, gani ngaa imbitaron mo ang mga demonyo sa imo kabuhi?

Buligan kita ni Jehova nga mabatuan ang malaut nga espiritu nga mga tinuga.

(Tan-awa ang kapitulo 10 sang libro nga *Ginatudlo sang Biblia*, parapo 14-19.)

Basaha ang Binuhatan 19:19.

Base sa Biblia, maayo nga halimbawa sa pagbato sa espiritismo ang mga Cristiano sa Efeso sang unang siglo. Ngaa?

Basaha ang Hulubaton 18:10; Efeso 6:16; kag Santiago 4:7, 8.

Ano nga mga bulig ang ginhatag ni Jehova para makabato kita kay Satanas kag sa iya mga demonyo?

Nalipay ka bala sang nabal-an mo nga si Jehova mas gamhanan sangsa mga demonyo kag gusto niya nga buligan kita? Ngaa?

3

IPAATHAG ANG IMO GINAPATIHAN

KON MAY MAGSILING...

Wala sing malain sa pagpamakot; hampanghampang lang ini.

MAHIMO KA MAGSABAT...

Mahimo nga nagapati man sa sina ang iban. Pero para sa akon indi amo sina kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?

KON MAY MAGSILING...

Gamhanan kaayo ang mga demonyo, gani wala gid kita sing mahimo sa ila.

MAHIMO KA MAGSABAT...

Matuod nga gamhanan kaayo ang mga demonyo. Pero nagapati ako nga *mabatuan* naton sila kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?
